

Мокшэрзянь
ВЛКСМ-нь обкомть
и Саранскань
Горкомть газета-
ска

Редакция адресок:
Саранск, ул. Карла
Маркса 9—Комсо-
молонь вайгаль

Газетать питнец
1 ковс 60 тр ешник



Комсомолонь ВАЙГЯЛЬ

14
АВГУСТ
1935 КИЗОНЯ
90 (191) №

Лисенди омбоце кивост 12

Мезе учихть

Зубу. Покрово—Селищань, „Мар-
стонь вий“ колхозсь государствати
сьоронь максоманц таркессы. Кол-
хозти максоманц заданиясь госу-
дарствати ускомс 154 центнерхт,
конатнень эзда августть 5-це шинц
самс фкявок центнер изь уск, а
тяляф сьорось марсеви утому.
Арси кизефкс: „Мезе учи „Мар-
стонь вий“ колхозсь?“

Я Васелый.

Б О Е В О Й С М О Т Р

Маладкшни XXI-це Международ-
най юношескай шись. Комсь фкие-
цеда сембе масторонь одломатне
лисихть улыцятненьди и площадь-
тненьди, штоба демонстрирован-
дамс эсь решимостьснон эсь аляс-
нон и оцю братснон мархта марса
тюремс социализмат инкса капита-
лизмат каршес, свободат инкса
фашизмат каршес, народтнень
йоткса миронкса империалистиче-
скэй войнат каршес.

Сембоц аныцек 18 кизот йотасы
кода Октябрда ингольдень Росси-
ань революционнай одломатне
васеньцеда Москуса йотафтозь
III-це Международнай юношескай
шиты. Колоннатнень эса мольт
эшу, пилесвачеда рабочаень—нды-
тне, одломатне, конат муцяф-
тольхть Гужонть, Бромлейть, Ли-
стть заводснон эса, Прохорофнень,
Эйнем, Силу, Бахрушитнень фаб-
рикаснон эса аф кирьдемшка ста-
ка трудть мархта.

Нят ульсь одломатть, конатнень
эса паньшеть империалистическай
войнань фронтненьди и сяка пин-
гть, конатненьди помещиконь и
капиталистонь правительствасы изь
макссе нльня элементарнай граж-
данскэй политической праватка.

Конашкава ичкозетяма минь, Ок-
тябрьть ровесниконза, сембе невз-
годатнень эзда, конат ваять вечно-
стти капитализмань проклятай
стройть мархта марса, минь, конат-
тненьди социализмась максосе
семботь: и ламбе эряма-ащема ва-
ста, и ярхцампяль, и грамотат, и
содамышть, и культура, и вайма-
ма, макссь пяк цебарь эряф.

Советскэй странань од ломатне
касыхть и кемокстайхть, партия
апак лотсек заботанзон вельде,
СССР-нь народтнень вожьдснон Ста-
лин ялгать вельф оцю мялень ша-
рофтоманц вельде. Аф срафтови-
стенакс минь странань од поколе-
ниясь пуромкшни минь тяряньконь
—ВКП(б)-ть перьфкя, минь вож-
деньконь Сталин ялгать перьфкя.
Кемокстави Интернационализмань
духсь одломатнень йоткса. Ком-
интернат VII-це конгрессонц шин-
зон эзда кассь од ломатнень инте-
рессна коммунизмат омба масто-
ронь отрядонзон эряфснонды и тю-
ремаснонды. Коммунизмат инкса
передовой боецнень революционнай
мужествань примерсна усказь эсь
мельгаст одломатнень од отваж-
най подвижненьди и стакшинь са-
мостверженнай трудти. Апак лот-
сек эряви азондкшнемс од ломат-
тненьди империалистическай вой-
нань касы угрожать, разоблачан-
дакшнемс империалистическай вой-
нань кривястия Советскэй Союзть
каршес — Германиянь фашизмат,
тейнек эряви анокламс од поколе-
ниясь сонь интернациональной шу-
момц пашкодмонза — социалисти-
ческэй родинат арелямонза. Мак-
сомс партиять рапорт од сядот,
тыождат летчикса, снайперса, па-
рашютиса, танкистса, подводник-
са, конат сьормадыхть краснозна-
меннай комсомольц историязонза
беззаветнай мужествань од страни-
цат!

Праздниксь лама обязанность
пути одломатнень, комсомольц
и сонь комитетонзон лангс. Ленин
корхтась, што „праздновандомань
шитнень, ся шитнень пингста, мзяр-

да минь мяльнеке кирьдикть побе-
дат... минь должеттама сязомс эсь
эзонк воля трудти, кемешы (упор-
ства)... XXI-це Международнай юно-
шескай шись, теенза анокламась—
тя значит „Комсомолонь рядтнень
инге сядат пяк кемокстамань пинг-
сна“ (ВЛКСМ-нь ЦК-ть сьорманц
эзда). Кемокснемс ВЛКСМ-ть ря-
донзон тя значит—касфнемс сонь
роленц, кода о д л о м а н е н ь.
Коммунистическай интернацио-
налть передовой отрядонц роленц;
тя значит—тюремс одломанень ком-
мунистическай воспитаниять инкса.
Тя оцю работат программац ня-
фтьф ВЛКСМ-нь ЦК-ть праздника
ингольдень сьормасонза, конад пя-
чатлаф июльть 24-це шистонза
„Комсомольскэй правдасы“. Аф пу-
стой ювадькшнемаса и мазы ва-
лонь эзондомаса, а комсомольскэй
организациятнень и сембе одлома-
тнень эряфонь кизефксон лангс-
са вииста, кропотливайста рабо-
тат мархта,—вов мезьса ЦК-сь
мярьгоньди йотафтомс XXI-це Ме-
ждународнай юношескай шить.

Печатьса нолдафт ВЛКСМ-нь ка-
фта вельф эрявикс документт—
авань одломатнень йоткса рабо-
тат колга и комсомолецнень по-
литобразованияснон колга. Катк
эрь организациясь, эрь комитетсь,
эрь активистсь лац-рядс думанда-
зевы сянть колга, мезе синь азыхть
Международнай юношескай шить
эзда нят решениятнень пашкоде-
маснон колга.

Ужальдемга эряви азомс, ламоц
комитетне оцю кельгома мархта
старандазь и искусства мархта ма-
штыхть аноклама торжественнай
заседаният, чем стакшинь деловой
пуромкст. Кодама мяль шарфцть
кой-кона комитетне ЦК-ть мек-
пальдень директиванзон шири? Ко-
да обычнай „текущай“ резолюци-
ятнень шири. Вельф савор моле-
мась лифтьф, кепоткшоньди, Ле-
нинградскэй горкомть эса, конань
колга аф кунара сьормадсь „Ком-
сомольскэй Правдасы“. Ленинград-
скэй горкомс тяпингс ашезень ви-
депте нят эльбатькшнень.

Комитетнень Международнай
юношескай шити анокламаснон
комсомольсь кармай ванондомонза
аф торжественнай заседанияснон
коряс, а сянть коряс кода синь паш-
коткшнесазь ЦК-ть XI-це плену-
монц решениянзон и ВЛКСМ-нь
ЦК-ть мекольдень указаниянзон.

Лама организацият прокс аф
эряскодыхть сянть колга, штоба
вишподемс деловой аноклама
Международнай юношескай шити.
Тянь колга пяк лац няфнесазь сем-
беда пяк областной комсомольскэй
газетатнень лопаширесна: „Лени-
нец“ (Иваново), „Севернай комсо-
молец“, кода праздники анокла-
мат колга апак сьорматт фкавок
строчка. Тя, несомненна корхтай
сянь колга, што Ивановскэй об-
комсь и Севернай крайкомсь аф
заботендайхть тя тевть колга.

Международнай юношескай ши-
ти анокламась немьслимай комсо-
моль работасы сембе аф сатык-
снень лангс смелай, безбоязненной
критикай апак вишполтть. ЦК-сь
мярькс пуропнемс закрытай ком-
сомольскэй пуромкст, а станяжа
комсомольскэй организациятнень
руководстваснон ала пуропнемс

рабочай и калхознай од ломанень
марстонь пуромкст и конференци-
ят.

Тя сембе сяка аф торжественнай
заседаният, а деловой проверка
сяньди, кода пашкоткшневихть
од ломатнень наказсна. Катк ком-
сомолецне и од ломатне тарга-
сазь пыльный архифнень эзда ме-
лень кизонь конференциятнень ре-
шенияснон, конат посвященнайх-
тельхть международнай юношескай
шити, и пристрастие мархта ван-
цазь, меза йотафтоф эряфс и мезе
и мес апак йотафтоф эряфс.

XXI-це Международнай юноше-
скэй шись — тя советскэй од ло-
матнень вийснон боевойста ва-
нондомац. Тянь мархта няфневи

и демонстрациятнень боевой по-
литическай характерсна. Комсо-
мольс сатфкс мархта аноклай во-
енно-технической экзаменонь удар-
никонь массовой отрядт, сяка лу-
вксть эса „ворошиловскэй стре-
локот“, парашютистт, ГТО-нь знач-
кистт, летчикт, физкультурникт.
Демонстрантонь колоннатнень эса
синь должетт пуроптомс прочнай
костяк. Союзонь трудяй од ломат-
тне Международнай юношескай
шиты эзда няфцазь синьценъ без-
заветнай преданностьснон великай
партияти, кельгома Сталинтти, эсь
аноклаф шиснон тюремс родинат
инкса, оправдандамс ленинско-ста-
линскэй комсомолонь почетнай
лемть. („Комс. правд.“ передовоец).

ВКП(б)-нь Центральнай комитетсь прискорбие мархта азон-
кшнесы ВКП(б)-нь ЦК-в членкс кандидатть, сире большевикть
и непоколебимай Ленинецть, Марксонь—Энгельсонь Ленинонь
институтснон директоронц васеньце заместителенц

Иван Павлович Товстухатъ

кувать сярдемоды меле куломанц, сон кулось августть 9-це
шистонза, 4½ часа шовдава, москуть ала.

Иван Павлович Товстуха

Партиясь юмафць преданнай боецть, испытаннай ленинецъ
И. П. Товстуха ялгать.

Товстуха ялгась ащесь большевикнень ся железнай когортоснон
йоткса, кона лама кизонь йотамс йотазе Ленинонь и Сталинонь шко-
ласнон.

Нингя идень кизоса Товстуха ялгась сувась революционнай дви-
женияти, пашкодесе эсь прынц Ленинонь идеянзон мархта.

Нингя одкс пинкстонза кигя сон повонц-ни репрессиятнень алу,
ульсь ссылка, лама кизот йотафць эмиграцияса.

Мрдамок Россияв, Товстуха ялгась примоси непосредственной
участие Октябрскэй пролетарскэй революциять эса, работамок
Якстерь гвардиянь центральной штабть эса.

Лама кизот Товстуха ялгась работась сядат меле ЦК-нь секре-
тариатса, ульсь Сталин ялгати марстонь лездыкс.

Мекольдень пинкть Товстуха ялгась ульсь Марксонь—Энгельсонь
Ленинонь институтсост руководителъкс.

Аф ваномок оцю урманц (туберкулез легких) ланкс, Товстуха ял-
гась няфнесь пяк оцю работоспособность. Сон сембе эсь прынц мак-
созе тевти.

Партиять тевонцты исключительнай предднностьсь и организо-
ванностьсь няендевь сонь работасонза.

Любовай тевса, конаньди сон кярмодькшнесь, сон пашкодкш-
незе вельф оцю тщательность мархта, прокс эсь пингстонза и педа-
пес.

Большевистскэй скромностец и чуткостец ломатненьди Тов-
стуха ялгать ладсезь оцю организационнай способностензон мархта.

Товстуха ялгась вятьсь и оцю научо литературнай работа. Ла-
ма топт Ленинонь сочинениянзон эзда сон аноклазень и редактиро-
вандазень. Сон примосезь инь маластонь участия „Гражданскэй вой-
нань историять“ васенце томонц редактировандамасонза и редак-
тировандазе сборникть „ВКП(б)-сь с'ездонь, конференциянь и ЦК-нь
пленумонь резолюцияса“.

Апак ватт стакаста сярдеманц лангс, конад шокшоде Товстуха
ялгать эряфонц, сон мек-пальденъ шитнень самс вятьсь научнай ра-
бота, конань теенза макссезе ЦК-сь.

Минь юмафтомя кельгови Иван Павлович Товстухатъ куломанц
мархта стойкай большевик, аф сизефтеви партийнай работник, це-
барь ялга и друг.

Прощай, кельгома друг и ялга Иван Павлович! Тонь колгат па-
мятьсь, кода коммунизмань тевть инкса аф сизефтеви, идейнай бое-
цонь колга, кармай ламос эряма минь странань трудяйнеконь седи-
сост.

И. Сталин.

Л. Каганович.

В. Молотов.

С. Орджоникидзе.

К. Ворошилов.

В. Чубарь.

М. Калинин.

А. Микоян.

С. Косиор.

А. Андреев.

П. Постышев.

А. Жданов.

Я. Рудзутак.

Г. Петровский.

Р. Эйхе.

Н. Ежов.

А. Стецкий.

А. Поскребышев.

Л. Мехлис.

Г. Каннор.

А. Назоретян.

Я. Яковлев.

М. Шкирятов.

Г. Ягода.

М. Паукер.

Торбеюнь регистраторхненъ колга

Эряви азомс, што Торбеюнь районца кизонь пингоя комсомолечненъ и од ломатъненъ йоткса политтоафнемась сязъ.

Васенда ульсь туфтал, што ВЛКСМ-нь райкомса аш работнек, конац должен-ба вятемс политтоафнемать. Тани Торбеюнь району кучьф политтоафнемань отделонь заведующайкс Шишкин ялгась. Шишкин ялгась Торбеюнь ВЛКСМ-нь райкомса ков пале мархта, но политтоафнемань тевса мезевок ашезь тий.

Сянь васц, штоба лувомс сембе организациятьненъ эзга возможностьненъ—коса можна пуроптомс партиять историянц тонафнеманц инкса кружок, синь райкомонь бюроса лихцть путфкс: сембе районга пуроптомс 17 кружокт. Тя путфксть мархта Шишкинц лувозе, што комсомолечненъ йоткса кружоконь пуроптомась шуморсь. И штоба лихцть путфксть марнек „завершандамс“ Шишкинц сембе первичнай организациятьненъди макссь „директива“, сянъ кувалмова, штоба нят велетьненъ эса коса партийнай организациятьненъ пуропницть партиять историянц тонафнеманц инкса кружокт, тоса сембе комсомолечненъди эряви сувамс тя кружокменди.

Тячинь щити Торбеюнь ВЛКСМ-нь райкомонь политтоафнемань отделонь заведующайкс Шишкин ялгась тяфтама кружокта лувонды 9.

Кодама политической содамань мархта комсомолецт тонафнитъ нят кружокненъ эса и кие синь тонафнесынъ Шишкинц аф содасы, вдь нят сембе комсомолечненъ йоткста ламоц ашезь адела Карпинскаевъ учебнеконц.

Тяса няеви што Торбеюнь ВЛКСМ-нь райкомс нолдась грубай политической эльбиятькс ВЛКСМ-нь ЦК ть путфксонц колга.

Торбеюнь районца пуроптфкафта кружокт коса тонафнитъ аныцек комсомолецт, но Шишкинц нльня нят кружокненъ эзда аф содасыне пропагандистненъ. Вов фкя кружок,—работай Морд.

Юнка велеса, а сон тяза нльня вестькя ашезь яка.

Нинге сяда калдыз начальнай политшколань пуроптомась. Тяса Шишкинц йофси мезевок ашезь тий. Кизефксть ланкс, мзяра пуроптфт начальнай комсомольской школада сон отвечай.

— Занимандакть кажется кемоньчка,—но кодама велеса нят кемоньчка школась, Шишкинц аф содасы.

Тяста няеви, што Шишкин ялгась ашезе шарьхкодъ ся вельф оцю задакатъ, конац путневи сонъ лангосонца политтоафнемать инкса.

Ков да пале работанц пинкста Торбеюнь районца сон уленьц аныцек вете велеса, а лядыкс времать йотафтозе райкомонь стол вакса.

Может быть лувонды ялгась мярғы, што Шишкинц лама работай тийсь районнай центраса, но тясонга сон мезевок ашезь тий. Районнай комсомольской активсь мянь тнярс атак пуропт синь йоткост кодамовок занятие аф вятви. Мянь тнярс сонц Шишкинц аф содасы ВЛКСМ-нь ЦК-ть путфксонц „комсомолечненъ политической оброзованиясон инкса ВЛКСМ-нь организациятьненъ работасон колга“.

Шишкин ялгась кода няеви йофси ашезь тий вывод ВЛКСМ-нь обкомтть бюронц путфксонц эзда, конац лифтьф Березникань райкомт работаманц колга.

Калдызста политучебань пуроптомать инкса Торбеюнь районца виноватокс ащи аф аныцек политучебань отделонь заведующайкс Шишкинц. Тяфтама жа оцю ответственность канды сонцъ Р. К. секретарсь Дуняк ялгась и сембе райкомонь бюрось. Райкомс сонцъ юкстазе мзярда политтоафнемать колга кизефксь ульсь кочкьсеф бюронь заседаньяса. Райкомти и башка Шишкин ялгати инь маластонь пинкть эзда эряви ладямс политтоафнемась станя, кода тянь вешсы ВЛКСМ-нь ЦК ть путфксонц.

С. Степанов

Теест аш васта комсомолса

Поим. Сире—Баштанка велень первичнай комсомольской организацияса лувондови 13 комсомолецт, конатненъ йоткса аф вятви кодамовок воспитательнай работа. ВЛКСМ-нь райкомс тя организациять лангс сатомшка и эрвикс мяль аф шарфни. Азф первичнай организацияса улихть стама типт, конатненъди аш васта комсомолса и конат эрвикхть курокона панемс. Сявомс Пурясов Владимирть—тя стама ломань, конац сембе ширде компримитировандай комсомолонь лемгъ эса. Сон тийсь 30 пудт растрата гарницевай спортъ эзда

(работась заведующайкс мелень-цяса), мезенкса кунаркиге эрвольтба максомс судс. Тяда башка сон, кода „велень герой“ якй иредьста велеса тиеньди безобразият и стак тов

Омбоце „комсомолецс“—Балаев Степанц тожа аф лоткси безобразничендама, кода и Пурясовсь. Эряви азомс, штоба Балаевсь и Пурясовсь сяда тов афолезь пачконда комсомолть лемонц С—Каштанка велеса, синь эрвикхть панемс, а иляды ялгатненъ йоткса виелгафтомс культурно воспитательнай работась. Учав.

„Тевфтома комсомолец“

Чембар. Масловка велень первичнай комсомольской организациясь (Комсоргсь Таборовась мезевок аф тиеньди. Велень од ломатненъ йоткса кодамовок работа аф вятви. Сьоронь урядама йоткова паксянь статтненъ эса кодамовок массово-разъяснительнай работа колхозникненъ йоткса атак

тийхть. Колхозу якйахть газетат, но комсомолечне аф заботендаихть штоба ня газетатне кайгиста лувонтомс, паксяса работайхненъди. Вов сяси Масловка велень эрйяхне и колхозникне корхтайхть: „Минь комсомолеченьке тевфтома комсомолецт“.

Я.

Аш культурно-массовой работа

Куйбышевть лемса колхозса (Саранской район) сьоронь аноклама кампанияти анэкламста корхнестъ, што синь культурно-массовой работатъ ладясазъ лац.

Тя колхозть эса ули кода ладямс работась, ули специальнай культурниксна, улихть и комсомолецт, но афваномок тянь лангс—колхозса культурно-массовой работа аш.

Колхозникне сьоронь урядама кампаниять пинкста ашетъ нй фкявок газета. Колхозникне вай-мама йотковаст аф содасазъ мезе тиес.

Тяфта корхтайхть синьцъ колхозникневок, сясасък Буралкин Иванть, сон работай самовязкаса машинистокс, конац сьоронь урядама кампаниять ушедомстонца сязомок звенасонца ашезь нй фкявок газета и станя-жа ашезь няеньди культработниктькя—Зайцевть.

Мэзе-жа тиеньди культработ-

никсь? Тя кизефксть каршес отвечась сонцъ Зайцевсь.

Монь прикрепили фкя бригадас тоса и работан, а лия бригадаса работамась—аф монь тевсь.

Тяфта ащи тевсь и „Власть труда“ колхозсонга.

Тяса аш специальнай культработникт и массовой работатъ аф вятеманц азонкшнесазъ сянъ сянъ мархта, што аш киньди сонъ вятемс, а сяс тя колхозса стенгазета сельмэссотка ашесть няеньде.

Сяс и ня колхозне сьоронь урядамаса усковихть пулоса.

Культурнай работатъ вятемасонца васеньце вастсь эряви занцемс комсомолти, но Куйбышевть лемса и „Власть труда“ колхозненъ эса комсомольской, (а станя-жа и партийнай) организациятне тя тевть эзда ащихть ширеса.

Саранской ВЛКСМ-нь горкомти эряви тянь шири шарфтомс мяль.

Ф. Макаров

В. И. ЛЕНИН.

Од ломанень союзненъ задачасна *)

РКСМ-ть III-це пуромксонца корхтамац октябрь ковть
2-це шистонца 1920 кизоня

(Мокшвкс йотифтозе ВИАРД)

Мэзе тейнек эряви сязомс сире школатъ эзда

Тяса мичь ингельнок арси кизефкс сянъ колга, кода-жа тейнек эряви сембе тя лувомс. (сочетать) штоба тонафтомс Коммунизмат. Мэзе тейнек эряви сязомс сире школата, сире наукаста? Сире школась корхнестъ, што сон йорай тиемда ломань сембе—ширьде образованнай, што сон тонафты наукатненъди вообще. Минь содасасък, што ся ульсь пачк суваф васькафнемаса, сяс мес сембе обществась ульсь тийф и кирьдсь ломаттненъ класска, эксплуататороньди и люпштафоньди явамасон лангса. Естевенна, што сембе сире школась, конац целайста ульсь суваф классовой духса, макссесь содамашит аныцек буржуазиянь идьтненъди. Эрвалоц сонъ ульсь тийф буржуазиять интересонзон инкса. Нят школатненъ эса рабочаень и крестьянонь од поколениять аф сяшкава воспитандакшнестъ, конашкава усксезь сяка-жа буржуазиять интересонзон инкса. Воспитандакшнестъ

синь стане, штоба тиес теенза эрвикс слугат, конат уделъхтьба способнайхть макссес теенза прибыль и марса сякань мархта афлезь тревоженда ба сонъ покосонц и тевфтома шинц. Сяс, сире школатъ эзда аказамок, минь путо-ськ эстеинек задакакс сязомс сонъ эздонца аныцек сянъ, мэзе тейнек эряви сянъ инкса, штоба сатомс настоящей коммунистической содамаши.

Тяса мон нежедькшнан сире школатъ ся априкамзонды, сят обинениянзонды, конат прокс сашендовихть кулемс и конат аф шуроста вятихть йофси аф—правильнай толковамати. Корхтайхть, што сире школась ульсь тонафнемань школак, муштравандамань школак, зубрешкань школак. Тя виде, но сембе сяка эряви ваномс, мэзе ульсь сире школаса калдыз и полезнай тейнек, и эряви маштомс кочкамс сонъ эздонца сянъ, мэзе эряви коммунизмат. Сире школась ульсь тонафнемань школа, сон кошарезень ломаттненъ тонадикшнемс вельф лама аф эрвикс, лишнай, кулоф содамашит, конат марселезь аф эрвиксся прянц и шарфнелезь од поколениять марс-

тонь ранжир алу этсеф чиновниконьди. Но-тинь тиеледе-ба вельф оцю эльбиядкс, кда-ба варжалестъ тиес ся выводт, што можна арамс коммунизмт сянъ атак тонадт мэзе кочкаф человеческой содама-шить мархта. Улель-ба эльбиядкс-сокс думандамс стане, што сатыхть тонадомс коммунистической лозункне, выводонзон коммунистической наука, атак тонадт ся содамашитненъ суммасон, конатненъди, последствийкс ащи сонцъ коммунизмась. Образецкс сянъди, кода появась коммунизмась чеповеческой содамашитненъ суммасонэзда ащи марксизмась.

Марксть тонафнемац—миллиотт пролетарийхненъ тонафнамасна

Тинь лувондоде и куленьдеде сянъ колга, кода коммунистической теориясь, коммунистической наукась, сембеда пях Марксть тийфоц кода марксизмань тя учениясь лоткась улемда фкя ломанень произведенийкс, хотъ и XIX веконь пингстонь гениальной социалистонь, кода тя учениясь арась сембе мирса учениякс миллиотт и кемотть миллитт пролетарийхненъди, конат тя учениять эсь тюремасот арафнесазъ капитализмать каршес

И кда-ба тинь лихтеледе тяфтама кизефкс: мес Марксть тонафнемац маштсь фатямс миллиотт и кеменень миллиотт сембеда революционной классонь седихть,—тинь можете получамс фкя ответ; тя лиссь сяс, што Маркс нежедькшнестъ кеме фундаментсон лангс человечествань содамашитненъ, конат завоеваннайхть капитализмать

пингста, человеческой обществать развитиянь законзон тонафнемда меле, Маркс шарьхкодезе капитализмань развитиять неизбежно-стенц, кона вати коммунизмат, и главнайсь, сон няфтезе тянь аныцек сембеда точнай, сембеда детальной, сембеда крхкаста тя капиталистической обществать тонафнеманц вельде, пяхксеста сембень сянъ шарьхкодеманц вельде, мэзе макссь ингельденъ наукась. Сембень сянъ, мэзе ульсь тийф человеческой обществать мархта, сон критически тиезе, одукс фкявок пункт ашезь кад стама, конань лангс-ба афоль шарфта мяль. Сембень сянъ, мэзе ульсь тийф человеческой мыслять мархта, сон одукс тиезе, повфтазе критикань алу, проверендазе рабочей движени-ять эса и тиезень сят выводтненъ, конат ашесть тиефт буржуазнай рамкаса ограничендаф или буржуазнай предрасудкаса сотнеф ломаттненъди.

Пролетарской культурась

Тя эряви мяльса кирьдемс, мзярда минь, кепотъксоньди, вяттяма корхнемат пролетарской культурат колга. Сянъ шебарьста шарьхкодефтоманца, што аныцек точнайста культуратъ содаманц мархта, конанц тиезе человечествать сембе развитияц, аныцек сонъ одукс тинеманц мархта можна тиес пролетарской культура,—тяфтама шарьхкодефтома тейнек тя задакась аф решандави. Пролетарской культурась аф ащи комотьфокс коста бди, аф ащи выдумкакс ся ломаттненъди, конат

*) Ушадксонц 89 (190) №-ев.

ИОТАФ ШИТ

Кизось—кизоть мяльги.....
Пинкне длахть вармакс,
Тюри вийхень вельде
Эряфсь лиякс арась.
Ляфтан аеркс валса
Иотаф идень пинкнень.
Бода козять тналса
Иотафгыне шитнень.
Пси шинь валдсь ись токсе
Эста модать карязс.
Эряфть шовдась кодсесь.
Козять кядьсоль павазсь.
Вехкса кизоньяса,
Козя Митять пяде;
Вача сизеф прыса
Визень кундань кялемс.
Колма пакса ланга
Видьсесь умат—картат¹⁾
Работамда изь панда
Сяс-мес кшида ярхат.
Лямбе вармась кождесь,
Расать вярйак каньсесь.
Розень капать йожса
Удомась монь ваньсесь.
Шись кулакты мани,
«Сьоронц» эса косьфтай.
Вана соньцька сайн,
Кяжи кода офта.
—Кирьдифтемя урось!
Коза кашить шотценъ
Оржа сянга сюрось—
Мусы ирьдес йоткценъ!..
Стакаль вьлемс кизе
Шовда,—пичефкс шиса
Лама пивепть пизефть
Эсон суском кшивкса,
Иотась суне шитне.
Трудяйт шамац валдомсь
Велень козя—Митять
Велеть эзда шамдось,
Зарясь толонь мяштенец
Белси менельть келес.
Крфазь палы таштец
Валдопть оштьи велеть.
Сяс и монга моран.
Гайфса од эряфть эса
Трудяй мокшень цьоран—
Мяльня лакайт тевса.
Моран-моран вярйак—
Сире эряфть срафняк.
Эрь строчказень эрьгац²⁾
Пиксы куломс вракнень.
1935 к.

¹⁾ Картат—участкат.
²⁾ Эрьгац—вице.

ПИСАТЕЛЬ

Мзярдонга и кодама странасон-
га писательсь ашезь пользован-
дакшне стама уважения, почет и
забота мархта, кода тани Советс-
кой странася!

И эсь васеньце с'ездсост советс-
кой писательхне сембе мирть ин-
геле азозь, што писательхненьди
партиясь и правительствась мак-
созь сембонь. И эстакиге арси ки-
зефкс: мес партиясь и правитель-
ствась тяшкава ценит писательх-
нень? Сяс, мес писательхнень цель-
сна: „организованамс стама лите-
ратура, кона ащи единая культурно
революционной вийкс“. (Горький)

Кит стапне советской писательх-
не? Тя кизефксть каршеска
М. Горький отвечась писателень
с'ездт панжемста „Минь корхтатама
кода судьят стама мир лангса, ко-
на обреченной гибельс, и кода
ломатть, конат кемокнесазь рево-
люционной пролетариатт подлин-
ной гуманизманц“... „Минь врагта-
ма собственности, буржуазной ми-
ронь страшной и подлай богиняты“.
И вов буржуазной мирть кар-
шес врагонь вии армияты эзда
пьяльксы ули минь Мокшэрянъ рес-
публикасоноконга, тя—минь мокш-
эрянъ писателеньке.

Минь писателенькенъ оцю пьль-
кссна комсомолецт и партиянь
члетт. Нят стама ломатть, конат
активнайста участвоидайхть минь
од республиканьконь строительст-
ванц сембе участваванца и фрон-
тованца. Фкявок хозяйственно-по-
литической кампания синь участи-
яфтомост аф йотни. Нят стама ло-
матть, конат действительна ашихть
пионерокс мокшэрянъ од литера-
тураса. А таста и лисендихть
синь сембе правасна сяньди, што-
ба минь организацияньке шарф-
тольхть лангозост бережливой и
заботливой отношение Максомс
теест сембе эрявикс условийтнень
сяньди, штоба плодотворна рабо-
тасть, штоба могли синь оправ-
данамс трудяйхнень ингеле со-
ветской писателень почетнай лемть.

Виде, мекпальденъ кизоть
ВКП(б)-нь обкомсь особенна кар-
мась заботендама писательхнень

колга. Лама лихтьф решенияда,
конат корхтайхть писательхненьди
цебяръ условиянь тиёмать колга.
Тядде васенцеда минь писателень-
ке получасть возможность якамс
творческой командировкас, кой-
кона ялгатне якасть лечиндама,
кой конатнень действительна це-
бяръгадсть экономической усло-
виясна (получасть квартират и ст.
тов).

И тя мялень шарфтомать эзда
результатске лац няеви: минь лите-
ратураньке, а сембеда пяк мокшен-
несь мекпальденъ кизоть кассь ко-
личественна (йотай кизоть коряс)
200 процентс и аш маеть корхтам-
ска, сонь цебяръгадсь качествацка!

Но сембе бедаск тоса, што тяф-
тама мялень шарфнемада нинге
кржа и сидеста ВКП(б)-нь обкомть
решениязон писательхнень колга
башка организациятне и учрежде-
ниятне аф йотафнесазь эряфс. А
тянь эзда и результатске лия, ом-
боце кизось писательхнень аш
угольнясна писателень союзть прав-
лениянц алу, коса ба писательхне
могли организованна келептемс
эсь работаснон.

Сядот сьормат сашендихть ра-
бочай, колхознай и тонафни од
ломаттнень эзда писателень прав-
лениянц лемс,—вешихть лезкс-кон-
сультация. Но синь сьормасна си-
деста илядкшнихть ответьфтома или
йофса юмафневихть.

Оашендихть Саранскай и живой
ялгатка, синь йорайхть тонафнемда
минь „сире писателенькенъ“ эзда.
Но вов вешеньдсазь, вешеньдсазь
писателень правлениянц и нолдаф
нярьхть туйхть меки.

А вдь од поколениясь веши лез-
кс и забота!

Тяда башка минь улихть нинге

стама писателеньке, конат эряйхть
кошмарнай квартирнай условияса
(Бабан, Артур Морс, Кириллов, Кле-
шунов и лият). Ня ялгатне йорай-
хть работамда и работайхть, но
теест сембе ширьде шьорайхть
кальдяв условийтне. Синь аф
весть обрацандакшность соответ-
ствующай организациясь, но саты
азомс теест, што синь писательхть,
эста киге получаихть ответь: „аш“...

Вов цебяръ кепотькс, кода писа-
тельхнень лангс ваныхть кой-кона
вельможна—, начальникне Писате-
лень союзть правлениянц эзда
мольсть наркомвнуторгу и кармать
анама кафта ордерхт ботинканьди
(конадама проза!), сяс мес кой-
кона писательхне якайхть кда аф
кяпе, то голошаса. (Уш аф корхта-
тама синь семьяснон колга) и нар-
комсь Бурнашевсь (сон-жа орде-
ронь яводнысь) аф цебяръ вай-
гальса кармась ювадкшнемь:
„Ордерхт писательхненьди!.. Мон
синь мархтост кодамовок тев
неимею!.. И сяда ламоксть тейне
тяда сашенда!.. Арда профсоюз“!!!
Бурнашевть ашезь сата совостец
аньцек мярьгомс: „писательхнень
(прибавамс мокшень и эрянъ),
виденц азомс, сельмосонга афоли-
неяй, кядьне китнихть лангозост“...

Улихть стама фактт, што писа-
тельхнень паньцесазь квартираста
(Кирилловть) и нинге ули кода
няфтемс кемотть тяфтама кепотькс,
но сатыхть нятка штоба мярьгомс;
эряви путомс пе писательхнень
лангс тяфтама бюрократической
ваномати и максомс писательхненьди
возможности пашкодемс ся вельф
оцю задачатъ, конань синь инге-
лест путозе партиясь и правитель-
ствась.

В.

Кафта урожайхть

Зубу. Од—Выселканъ Калинин
ялгать лемса колхозсь кунаркигя
аделазе тишень урядамать. Тишесь
уриаф цебяръста и коськста.

Колхозонь председателсь Чу-
даев ялгась сянь лувомок, што ти-
шесь аф сатни, а коста бди эряви

сявомс тише. Сон лугатнень эзда
кадозень инь цебяръ васттнень и
изь мярьга тоза жуватаъ нолдамда.

Тевсь ульсь тийф стаяк. Тяни
ся лядьфти тиевсь пяк цебяръ и
вишке атав, конац ули лядьф
нят шитнень эзда.

Я. В.

эсь пряснон лувондсазь специали-
стокс пролетарской культурань
тевса. Тя сембе сплошной вздор.
Пролетарской культурась должен
улемс закономерной резвитиякс
содамашинь ся запасненьди, кона-
тнень человечествась тиезень капи-
талистической обществать, поме-
щиконь обществать, чиновниконь
обществать люштамани ала. Сем-
бе ня китне и кинятне вятнестъ и
вятнихть, и мольфтихть вятнема
пролетарской диктатурати стане-
жа, кода политической экономиясь,
конанц одукс тиезе Маркс, няфте-
зе тейнек сянь, мезьс должен пач-
кодемс человеческой обществась,
няфтсь йотама классовой тюрема-
ти, пролетарской революциять уше-
доманшты.

Тейнек аф эряви зубрешкась

Мзярда минь кулхтяма аф шу-
роста и од ломанень представителъ-
хнень йоткста и од образованиянь
кой-кона защитникнень йоткста
врьгядкшнемат сире школатъ
лангс, што сире школась ульсь
зубрешкань школа, минь корхтата-
ма теест, што минь должеттама
сявомс ся цебяръть, мезе ульсь
сире школаса. Тейнек аф эряви
сире школаста сявомс ся, мзярда
од ломантть мялямонзон пашкодъ-
кшнесь вельф лама содама шиса,
конатнень эзда кемонь талекаста
вейхксось аф эрявикст и кемоньце
талекась гасьтяф (искаженнай); но
тя аф корхтай сянкса, што минь
можем эсь пряньконь ограничен-
дамс коммунистичесай выводса и
тонадомс аньцек коммунистической

лозунгт. Тянь мархта коммунизма
аф тият. Коммунистокс можна ара-
мс аньцек эста, мзярда козякаф-
цайтъ эсь мяляпнень сембе ся козя-
шитнень содамаснон мархта, ко-
натнень тиезень человечествась.

Тейнек аф эряви зубрешкась,
но тейнек эряви касфтомс и цебяръ-
гафтомс мялямонза эрь тонафнить
основной фактнень содамашиснон
мархта, сяс мес коммунистмась шар-
фты шава востокс, шарфты шава
вывескакс, коммунистсь ули аньцек
простой васькафникс, кда аф
улихть одукс тийфт сонь сознани-
янц эса сембе получаф содама-
шитне. Тинь должеттада аф
аньцек тонадомс синь, но тонадомс
стане, штоба ваномс синь ланго-
зост критическайста, штоба аф
ятсьекшнемс эсь йоненьтень ся
хламть мархта, конац аф эряви, а
козякафтомс сонь сембе фактнень
содамашиснон мархта, конафтома
не может улемс тяниень пингонь
образованнай ломань. Кда комму-
нистсь думандаль-ба васькафнемс
коммунизмать мархта ся анок вы-
водтнень вельде, конатнень сон
получандазень, серьезнай, труднай,
оцю работань апак тийхть, факт-
тнень апак шарьхкодът, конатнень
лангс сон обязан ваномс критичес-
кайста, тяфтама коммунистсь улель-
ба пяк печальной. Тяфтама вярйга
ванондомась улель-ба вельф губи-
тельной. Кда мон содасан, мезьде
содан аф сатомшка, мон сатса
сянь, штоба содамс сяда лама, но
кда ломаньць кармай корхтата,
што сон коммунист и што теенза
и содамска мезевон аф эряви

кеме, то мезевон похожай комму-
нистоньди сонь эздонза аф лиси.

Сире муштровандамать вастс сознательнай дисциплина

Сире школась тийсь прислуж-
никт, конат эрявихть капиталист-
тненьди, сире школась науканъ
ломаттнень эзда тиеньдсь ломатть,
конат должетт ульсь сьормадомс
и корхтамс, кода эряви капиталист-
тненьди. Тя корхтай сянкса, што
минь должеттама сонь урядамс.
Но кда минь должеттама сонь уря-
дамс, кда минь должеттама сраф-
томс сонь-корхтай-ли тя сянкса,
што тейнек аф эряви сявомс сонь
эздонза сембень сянь, мезе коч-
ксьсь человечествась ломаттненьди
эрявиксоньди? Корхтай-ли сянь
инкса, што минь аф должеттама
маштомс различандамс сянь, мезе
ашесь эрявиксокс капитализмат и
мезе ащи эрявиксоньди коммуни-
змат?

Сире муштровандамать вастс,
конац йотафневсь буржуазнай об-
ществаса, ламоть волянц лангс
апак ватт, минь путнесась созна-
тельной дисциплинаснон рабочай-
хнень и крестьянтнень, конат сире
обществати ненавистть мархта по-
латкшнесазь решимостьснон, маш-
томаснон и аноклафшиснон пуроп-
томс и организовандам вийхть ся-
тюремати, штоба миллиоттнень и-
сядот миллиотт вельф оцю стра-
нать келес розна эряйхнень, пак-

шкянь эряйхнень, пакшянь-пакшья
сей тов йоряфнень воляснон эзда
тиемс фкя воля, сяс мес тя фкя
воляфтома минь улхтяма тапафт
обязательна (неминуема). Рабочай-
хнень и крестьянтнень тя марс пу-
роммафтомась, тя сознательнай
дисциплинафтомось минь тевоныке
аф надежной. Тяфтама сембе ми-
ронь капиталистне и помещикне
тейнек аф сяськовихть. Тейнек
нлхтай аф кемокстави фундамент,
апак корхтак сянь колга, штоба
тя фундаментть лангса строямс,
од коммунистической общества.
Стане жа и сире школатъ отри-
цандамок, йоффикс законнай и
эрявикс ненавистень кирьдемок
сире школати, сире школатъ сраф-
томанцты аноклаф шити питнень
максомок, минь должеттама шарьх
кодемс, што сире тонафнематъ,
сире зубрешкатъ, сире муштро-
вандамать вастс минь должеттама
путомс маштомать сявомс эстинек
человеческой содамашитнень сембе
суммаснон и сявомс стане, штоба
коммунизмась афоль уль тиньпо-
нонтт мезкс бди стамкс, мезе то-
нафнеф (заученнай), а улель-ба
стамкс, мезе тинь эсь мархтонъ
арьсеф, улель-ба стама выводкс,
конат ашихть неизбежнайкс, тя-
ниень пингонь образованиянь лан-
гс ваномок.

Вага кода эрявихть путомс ос-
новной задачатне, мзярда минь
корхтатама коммунизмат тонадома
задачатъ колга.

(Пец моли).

Идътнень эса аф воспитандайтхь, а калечендайтхь

Рузаевка. Шишкеева велень „Искра“ колхозсь оцю,—эсонза 400 кудт. Станя жа тя колхозса коли чествас коря лац ащи тевсь идень яслятнень мархта, конатнень эзда 8 точкат (фатяф 260 идть) и идень площадкатнень мархта (2 точкат —ифатяф 170 идть), но пяк калы-дывста ащи тевсь самай таниень съоронь урядамань пингть идень яслятнень и площадкатнень обслужи-ванияснон мархта.

Тевсь ащи тоса, што сембе идень яслятне и площадкатне ащицхь простой крестьянской кудонь эзга, конат йофси аф кондяхтихь идень учреждениян алу,—теснат, аш ку-хнят эзгаст и лия кодамовок обо-рудованият. Яслятнень эса, коса 3-4 койкат, а коса и фкявок аш, а анычек простой сире нюрмянт, конат медицинать ширьде ваномок, вреднайхь идтненьди.

Яслятнень эзга идтне йофсикс аф эшелякшневицхь. Мзярда тян колга кизефтезе райздравть инст-руктороц Гусева ялгась колхозть председателенц Лямкин ялгать, то мекольцесь отвечась, што „минь идтнень эшелямс улихь тазонке“, а кда ульсть варжафт тасне, то синь эздост 6-7 и сембе потмакс-фтопт. Тани тазфтома шить сюне-да идтнень йофси аф эшелякшне-сазь, анычек минисазь шамаснон, да сянге аф посуда вельхкс, а кияксти, мезь мархта калафневи санитарно-гигиенической поря-док сь. Посудат станя-жа сатом-шка аш, а конат улихь, то синь кирьдехицхь пяк урдазуста, шни-сазь сембень фкя чюгунца.

Сембе вярэзфата башка пяк калыдав идтнень питаниясна, конань сюнеда идтне аф воспитандавицхь, а калечейдавицхь. Тя пингс идтнень-ди питаниянди макссесь викань кши, конань эзда сырасневок аф порихть. Но аф сяда цебарь идт-нень рационца таниеньге.

Идтненьди (1 кизоста сямомок 4 кизоти модемс) макссихь яслят-

нень эзга 200 грамма розень кши, кона пидеф мода мархта шовор почфонь эзда и сянге апак си-фонть и эсонза сяда лама [сифон-кста. Макссихь 50 граммат сура-ямкс и макссихьт лапшаньди 50 граммат простойста яжафтф апак сифонть тозер почф, и 10 грам-мат сахар.

Кодама результатсь тя питаниянть эзда?

Стама, што тняра идть эзда ла-мосна таниень пингть сярдицхь писькоземаса. Тостоконь участковой врачсь Камнев ульсь кизефтф, мес сон аф примай мерат писькозема урмать каршес, то сон отвечась, што сон мезевок аф тиеви сяс, мес идтненьди питаниянди кол-хозсь аф нолни доброкачественной продуктат, башка идтнень ламос-аннезь якстеряпсонь ламбама ля-мда.

Колхозть — жа руководителенца, председателсь Лямкин, парторгс Аверьянов, завхозсь Горбатов и стенгазетань редакторсь рахазь отвечась кизефтсь лангс: „мес-синь идтнень тьяфта морендасазь“ корхтайхь: „мезе теват тага эрви“, „тяда цебарь питаниян аш кев“, „куд-ся тьяфтамдонга шесть ярхцея“ и ст. тов. и ст. т. А вдь сика йоткть колхозть лама средстванза най медень мишеньдемать эзда, конат-нень эзда улель кода-ба явфтомс аф лама, штоба идтненьди эрь-шиня рамамс аф лама цебарь розень кши.

Тяда меле выводсь стама, што Шишкеевонь „Искра“ колхозонь руководителхне аф макссихь ко-дамовок значения сянды, што я-слятнень и площадкатнень мархта тиевсь съоронь урядама работат-неньди 400 ломанень свободной кядть и аф макссихьт значения советской родинать идензон вос-питандамаснонды, а меки лангт калечендайтхь идтнень эса.

В. И. н.

Площадкась цебарь, но аш эсонза воспитательнай работа

Рузаевка. Стрелецкай Слободань „17 де партс'езд“ колхозса панчф идень площадка, коса пуроптф 50 идть и школьной помещенияса ра-ботайхь идень яслят, коса 40 идть. Колхозть правленияц (председа-телсь Бородин ялгась) путсь оцю-вий, штоба идтнень улель цебарь питаниясна. Помещениянне штафт и кирьдехицхь эрь пингоня чистай-ста. Работницатне сембе кочкафт стапт, конат цебарьста содасазь эсь тевснон. Яслятнень эса кой-катне сатомшкат, сембе идтне аш корьфт акша простыняса. Сембе эрвиксне, кода кострюльхне, ша-ванятне, тарелкатне, кудюфне чис-тайхь. Площадкаса станяжа улихь сатомшка налхксемат. Сембе усло-виянне колхозть ширьде максфт и питаниян ширьденье учрежде-

ниятнень тевсна цебарь.

Эрь идти фкя шиньди нолневи 100 граммат сура ямкс, 30 граммат тозер почфт, 0, 5 литра лофца; чай мархта макссези слобной акша тозеронь булка, 15 граммат сахар и кой-коста сыра-жа медь. Тя питаниян аф анычек сембе лия колхозникне, но и синць идтнень терясна пяк шнасазь. Сяс синь пяк надиайхь идень яслятнень и пло-щадкате лангс, а синць парамья-са работайхь колхозса.

Но вов калылав ш и р е с ь с я, што пцтай кодамовок воспитатель-най работа идень площадкаса аф вятеви.

РОНО-ти эрззи лездомс куль-турно-воспитательнай работать це-барьста ладяманцы.

И. н.

Эрви кошардомс

Ельники. Сире—Пичингуш ве-леса „Од веде“ колхозть правле-нияц съормадфтс колхознай бри-гадатнень лемс газетат. И ня газе-татнень лангс „распределительско“ путф И. А. Кирьяшкинц. Но Кирьяшкинц стама ломань, кона кельксы анычек эсь прянци, сон га-зетатнень сямондсыня и кадонцыня эсь кудозонза...

Колхозникне йорайхь лувомда газетат, но газетат аш. Кирьяш-кинц эрви кошардомс, штоба газетатнень каннелезень бригадав колхозникненьди.

Комсомолец.

Путевкатнень максозь аф киньди эрви

Учебнай кизода меле Саранскай Рабфаконь студентне тушенцть ка-никулу, тумостост профкомонь председателсь Лопаткинц полу-чадондась путевкат дом отдыс. Ня путевкатнень Лопаткинц явозень киньди аф эрви. Андреевоти. Зара-зновоти, конат ульсть йофси шум-брат.

Но ульсть стама студент, конат аф шумбрат, но путевкат теест ашесть макс.

Минь кизефнесаськ рабфаконь общественность, спокойнайста-ли эрви ваномс тян ланкс. Свой.

„Якстерь галстук“ журналть трудяй мокшень идень массатнень йоткс

„Якстерь галстук“ журналсь минь республикасонок ащи един-ственной источникос, коста мок-шень эрь шабась, школьниксь, пионерсь муйхь увлекательнай рас-скаст, йофсст, стихотвареният, мо-рот, загадкат шарадат, задачат и ст. т. Аф эрви юкстамс, што тя материалсь печатлакшневи анычек сян инкса, штоба художественной литературать—инь тьожда, но са-май убедительнай воспитаниян формать вельде минь касыксонь-коньди максомс марксистско ле-нинской знаният.

Минь республикасонок пяк лама школьной возрастонь шабада. Те-ест пяк эрвиксты художественной литературась—расскасне, стихотво-рениянне и ст. тов. Но синь мян-тя пингс аф сембе содасазь, што теест минь республикасонок ли-сеньди журнал „Якстерь галс-

туксь“. Мянть тачимс тя журналть тиражец пяк йомла. Июль ковт анычек 420 подписчикт. Тя йофси аф сатомшка. Эрь учительти, ком-сомолецти и пионер работникти эрви мольфтемс работа тя един-ственной журналть тираженц 5 тьо-жанц касфтоманц инкса.

Журналть эса печатлакшневицхь мокшень инь цебарь писательхнень произведениясна, кода Виардть. Клецуновть и лиятнень. Сяда башка журналсь печатлакшни русский классикнень и советской писатель-хнень инь популярнай произведе-нияснон.

Журналсь лисеньди лама кра-сочной обложкаса, цебарь оформ-ленияса, лама картинка мархта.

Эрви сатомс ся, штоба минь эрь школьниконь, пинероньке мораф-нелезь тя журналть.

Петр Левчаев.

Аф Аноклайхь республиканской физкультурнай спортакиадати

Апрель ковста сямомок физкуль-турнай работась Ромодановской рай-онца мольсь калыдывста. Но мзяр-да путозь работама Храмовть Рай-СФК-ав, то сон аф лсмода работать ладязе. Тийфць спорт площадка, спорт городок. Но июль ковста сямомок сон работать ланкс кармась ваномас аф заботязь. Ульсть стама случайхь мзяра Храмовсь рахсесь нят ломатнень ланкса, конат зани-мандакшесть физкультураса.

Физкультурникне анайхт кятстон-за футбольнай, волейбольнай мячть, а сон кодамовок мяль аф шарф-ни.

Республиканской спортакиадати-ляччи 5-6 шит, но сон тя спорта-киадати мезевок аф аноклай. Хра-мов ялгась 15-це шись аф якай-работамонга.

Ромодановская ВЛКСМ нь рай-комти и МАССР-нь ВСФЕ-ти эря-ви шарфтомс мяль. В. Зайцев.

Аноклайхь республиканской спортакиадати

Колма Футбольнай командань Васедема

Августь 12-ця шистонза Саранск-ошень стадионца 6 часца илять ульсь йотафт футбольнай матчт, коса налхксть 3 футбольнай коман-дат: „Динамо“, Профсоюзнай сборнай и военведонь командась.

Духовой оркестронь маршть мархта футбольнай площадкат ланкс лиссть „Динамо“ и проф-союзнай сборнай командась Налх-комась мольсь пале част. Невесь, што Динамань командась налхки сяда кемоста, но аф ваномок сян ланкс профсоюзнай командась эсь вортанзон лачьк ашезь нолда фкявок гоф (мяч) налхомась шу-морсь ох.

Сяда меля васецть „Динамо“ командась военведонь командать мархта.

Тяса „Динамо“ командась налхксь сяда оживленнайста налх-комась шуморсь 1×0 „Динамо“ командать пользас.

Инь оцю интерес няфць публи-кати колмоце васедьмась, коса нолхксть военведонь командась профсоюзнай командать мархта.

Нят командатнень вийсна ульсть пожалуй фкят, но аф ваномок сян ланкс васень палксть эса ке-моста яцесь военведонь командась и профсоюзнай командать вора-

танзонды курок улсь шавф фкя-гоф.

Тя пингть эзда налхкомась-ушодс сяда напористайста. Проф-союзникне гофть ушодозь ламоста кирьнемс военведонь командать вортанзон каршоса и курок тя шавмась ульсь пантф.

Тяфтам-жа напористайста ульсь йотафтф налхкомань омбоцекс палксь. Тясонга нят кафта коман-датне няфтезь фкякс вийснон. Кда профсоюзонь командась воен-ведовецненьди шавсь гоф, то воен-ведонь командась курок простязя, и нят кафта командатнень йоткса налхкомась шуморсь 2×2.

Эрви азомс оцю интерес публи-кати ширьдя тернесь профсоюз-най командаса налхксь Василийев-ялгась (ВСХКШ-ста), конач налхксь вортатнень инголе зашитакс. Сон гофть эсь пингоня и цебарь эрх-темасонза прокс паньцекшнезе гофть вортатнень ланкста. Тяфта-жа цебарьста налхксь „Динамо“ командать „воротарьсна“ (галки-перс). Сон вортатнень инголе-клеп разгарть йоткста машнесь фаткнема гофть и сян мархта идьсесь аф фкя грозайкс положение.

Гронт.

Мес аш избач

Ельники. Сире Пичингуш велеса тя кизоня ульсь панчф морафтома куд. Комсомольской организация-та ульсь избачекс кучф Юртаев-ялгась. Морафнема кудсь работась аф калыдывста.

Июлтть васенцекс шинзон эз-да Ельникавонь райОНО-сь Юрта-ев ялгать валхтозя работаста. Ме-зенкса валхтф,—кивок аф содасы, но фактась, ся што тьяс морафнема куд мянть тачиень шис аф работай. Велень комсомолечненьди и сембе од ломатненьди йофси аш коза

пуромкшнемс и сембе газетатнень и журналхнень, конат сакшнихть морахнень, конат санкшнихть „мо-рафтома кудти получандакшнесь-не велень совец, а тоста сямон-цазь таргамс.

Минь кизефнеська Ельникавонь райОНО-ть, мзярда Сире Пичин-гуш вельи ули кучф избач.

Колхозник.

Отет. редакторсь Ф. С. РУСЬКИН

Главлито № 1220 Заказ № 2345. Тираж 1558.

г. Саранск типография „Красный Октябрь“ Мордгиза